



**La camera da selvaschinas**

Suenter il spectiv ed il telefonin procura uss la camera da selvaschinas per vivas discussiuns.

12



**«Nuot Nes» dad Attilio Bivetti**

La Chasa Editura Rumantscha preschenta ses nov cudesch «Nuot Nes» dad Attilio Bivetti.

14

**DIE SÜDOSTSCHWEIZ**

# LA QUOTIDIANA

Redacziun: Via comerciala 22, 7007 Cuiria, tel. 081 920 07 10, fax 081 920 07 15

## La Baselgia vess bia da dir

DA LUCAS DEPLAZES/ANR

■ Tier la revisiun actuala dil dretg dalla famiglia ein da principi tuts pertuccai e cheutras era tuts dumandai. Sin plaun politic ha il parlament federal gia fatg entgins pass e reglau il dretg e la responsabladad per la tgira ed il sustegn dils affons en cas da separaziun dalla lètg ni per geniturs buca maridai sco era davart il partenadi purtaus en per homosexuals. Sommaruga vul – sin fundament dallas realitads succedidas ils davos decennis en nosa communitad – integrar ulteriuras fuormas da convivenza el dretg civil. La ministra dil departament da giustia e polizia rimna ils meinis per ina revisiun dalla lescha vertenta. La Baselgia savess dir, quei ei caussa dil

stadi, nus vein noss agens sacraments ch'ei independents in da l'auto. Ella realitad viva la Baselgia en Svizra en in sistem cantunal-dualistic, quei vul dir ch'ei dat praticamein ligioms d'interess per omisus. En vesta al svilup social-moral dils davos onns fuss ei bein impurtont d'enconuscher la clara posiziun dalla Baselgia davart l'instrucziun sexuala, planisada el «Plan d'instrucziun 21/Harmos» ni areguard la recenta campagna da prevenziun cunter aids/sida che munta ina midada da paradigma. Sco quei ch'ei para ha la Baselgia oz difficultads da formular in clara posiziun en diversas damondas areguard la convivenza. Pertgei quei quescher?

> PAGINA 2

## Buca tuts vulan campar da plievgia

Il campadi da Fontanivas a Mustér pitescha dalla schliat'aura

DA HANS HUONDER / ANR

■ Ils dis da bialaura da questa stad ein gleiti dumbrai. Per tgi che porscha ni vul far vacanzas, daventa la situaziun plaunsiu frustronta. «L'jamna vargada e quest'jamna havein nus rodund ina tiarza dameins hosps che normalme in da quei temps», di la menadra dalla plazza da campar dil TCS a Mustér/Fontanivas, Renata Gadola. Ch'ella ei tonaton aunc pli u meins cuntenza cun il diember da pernottaziuns d'entochen ussa, ei d'engraziar alla buna primavera: «Ils firaus d'Anceinza e Tschuncheimas ein stai tard. En quei temps ei l'aura stada fetg buna, aschia che nus havein generau lu pernottaziuns sco aunc mai.» Summa summarum sedat entochen ussa in diember da pernottaziuns egual a quel digl onn vargau. Ussa entscheiva la substantia recaltgada la primavera denton a pitir. Quest'jamna quenta Renata Gadola cun in minus da rodund 1000 pernottazi-



Da dis da malaura negin che sesa bugen giadora. Dalla schliat'aura pitescha buca mo il diember da pernottaziuns dil campadi, mobein era l'ustria.

FOTO H. HUONDER

uns en cumparegliazun cun igl onn passau e duess l'aura buca esser onz meglia l'jamna vegnenta, sedat in ulteriur minus. Il campadi a Fontanivas pitescha il mument oravontut dalla mun-

conza dils hosps cun tendas. «Ferton che quels en rulottas acceptan tonaton entgins dis da malaura, ein quels cun tenda exponi pli fetg all'aura. Savens ei quei lu era famiglias», constate-

scha Renata Gadola. Per surmuntar il temps da malaura ha il campadi arranschau in'occupaziun speciala per ses hosps.

> PAGINA 5



Cun la fin da quest onn seretila Donat Nay.

FOTO H. HUONDER

## Donat Nay demissiunescha

■ (anr/hh) Il president communal da Trun, Donat Nay, ha demissionau suenter haver dirigiù la vischnaunca durant 12 onns. Sco successur dad el candidescha il vicepresident communal e gerau Dumeni Tomasschett. Demissionau sco gerau ha era Tarcisi Guldemann, ferton che Toni Pfister e Renata Decurtins-Deplazes stattan a disposizi-

un per ina reelecziun en supras-tonza communal. Las elecziuns han liug ils 28 da settember 2014. Entochen in meins avon exista la pusseivladad da nominar candidat(a)s. Medemamein quest atun han liug las elecziuns dil cussegl da vischnaunca e dalla cumissiun da gestiun.

> PAGINA 11

## Duos cusglieras federalas in Engiadina Bassa

■ (anr/fa) Doris Leuthard a Zernez ed Eveline Widmer-Schlumpf in Samignun – quist on tegnan giust duos cusglieras federalas pleds da prüms avost in Engiadina Bassa. Leuthard piglia part quel di eir a la gronda festa a Zernez a chaschun

dal 100avel giubileum dal Parc Naziunal Svizzer. Ils oters oraturs in Engiadina Bassa e Val Müstair sun persunas da la politica, scienza ed eir dal sport. A Tschiev tegna Lukas Buchli chi ha guadagnà plüssas jadas il maraton cul bike intuorn il PNS il pled dals prüms avost. Ils dad Ardez pon tadlar ils impissamaints dad ün giast da l'Austria: Pro els tegna Anton Mattle, il «Bürgermeister» da Galtür, il pled a chaschun da la festa federala.

> PAGINA 13

### ■ SURSASSIALA

#### Cooperaziun dil scalem superiur

(anr/hh) Il project da cooperaziun dil scalem superiur dallas vischnauncas da Mustér, Tujetsch e Medel ei sistius pil mument e quei malgrad ch'el havess purtau biars avantatgs. Quei resorta dil rapport final dalla gruppa da project. Ultra dil respargn finanziel havess la qualitat dalla scola profitau d'ina collaboraziun, respectivamein ina concentraziun dil scalem superiur en in liug. Sco quei ch'ils auturs dil rapport constateschan, fuss ina cooperaziun stada d'avantatg per affons e giuvenils, mo era per il menaschi da scola sco tal.

> PAGINA 5

### ■ ZERNEZ

#### Seguond candidat pel presidi

(anr/mfo) Renè Hoheneiger, president cumünal da Zernez, candidescha pel post sco president dal cumün nouvusiunà. Sper Emil Müller, president cumünal da Susch, es e il seguond candidat official. Las tschernas pel president cumünal dal nouv cumün fusiunà da Zernez dvantaran captivantas. Decider decida il suveran da Zernez als 31 avost 2014.

> PAGINA 14

## «Artgas» – punt da la Val Mulinaun

In dicurs cun l'architecta Aita Flury oriunda da Domat

■ (anr/vi) Aita Flury enconuscha vasts champs da l'architettura. Ella ha planisà e fabricgà chasas, ha lavurà sur sasezza ed en in biro etabli d'architettura, ella ha scrit plirs cudeschs e perfin planisà punts. Sco docenta ha ella instrui inschigners da construcziun en teoria d'architettura e design.

Da preschent sa fatschenta

ella cun il chasament dad indesch abitaziuns che vegn eregi sin la parcella sper sia chasa paterna a Domat. Era sche l'architecta sto far intginas concessiuns a l'urden da bajegiar ed al budget, po ella tuttina realisar ina buna part da ses principis. L'ANR è stada sin il plazzal e Flury ha explitgà tge ponderaziuns ch'ella ha fatg per integrar

bain sia chasa - che sa numna «La contenta» – en il maletg dal vitg. L'architecta è da l'idea ch'is saja oz necessari da bajegiar cumpact. «Sch'ins planisescha prudent, èsi meglia da viver en estructuras cumpactas che sche mintgin fa ina saiv enturn ses 300 meters quadrat.»

> PAGINA 3



La punt per la Val Mulinaun tranter Rabius e Sumvitg ha l'architecta Aita Flury planisà ensemen cun inschigners da Basilea.

MAD

Servetsch d'abunents e da distribuziun: tel. 0844 226 226 mail: abo@someidia.ch

